



Chân thlan: *Tirhkohte 6:7*

Zirlâite tân:

Hriat tûr: Pathian chuan chanchin tha hril hna hlawhchham ngâi lo tûr a nei a ni tih a hria ang.

Vei tûr: Pathianin kohhran hruaitute a thlang a, a chhandamna thu hril darh hna thawk tûra a kâihruai nih chu a lawmawmzia an hrethiam ang.

Tih tûr: Pathian tlannain a thiltumte chu tihhlawhtlingtu nih ve dân kawng an zawng ang.

THUPUI THEN

I. Hriat tûr: Pathian hna hlawhchham ngâi lo tûr chu

- A Pathian hna hlawhchham ngâi lo tûr chu eng nge ni a, chu chuan eng tin nge i nunah nghawng a neih?
- B Pathianin a hna tihhlawhtlinna hmanrua atâna a hman thenkhatte chu eng nge ni?

II. Vei tûr: Pathianin a hna a lo kaihruai tawh dânte

- A Upa pasarihte thlan an nih dân khân eng tiangin nge kohhranah hruaitu chi hrang hrang an awm thei a ni tih a lantîr?
- B Stefenan a thusawia Pathianin a thiltum tihhlawhtlinna atân mi a hman a sawi lante chu tute nge ni? Hêng hruaitute nun aţang hian eng zirlâite nge zir chhuah theih kan neih le?

III. Tih tûr: Pathian hna thawktute zînga tel ve-in

A Pathian hnaa i inpêk dân kha eng chena thûk nge a nih tih inenfiah la. Chu hnaah chuan thûk zâwka i inhman ve theih nân eng thilte nge i tih ngâi awm?

KHÂIKHÂWMNA: Mihringte siam an nih lâi aţang tawh khân Pathian chuan a mite tâna a thil tih tumte chu puang chhuakin tihhlawhtlin a lo tum tawh tşin a. Chu Pathian thil ruahmanah chuan eng hna nge thawk ve thei niin i inhriat?

Inzirtûr Dân Tûr

RAHBI 1—Chawk phûr rawh

Bible châng thlûr bing tûr: *Tirhkohte 6:1–7*

Thlarau tşanna atâna thu pawimawh: *Mi thiamte zînga tşenkhat chuan upa pasarihte thlan (Tirhkohte 6) an nih hma hian Jerusalemah kohhran member 20,000 vêl an awm hman tawh niin an chhût a. Hetianga kohhran rawn bêltute chu mi chi hnih: Jerusalem leh a chheh vêl khuua chêng Hebrai tşawng hmang Juda-te leh Juda hnam darhho awmna aţanga lo kal Grik tşawng hmang Juda-te leh Juda saphunte an ni. Grik tşawng hmang Juda-ten ni tin mamawh sem kawngah Juda Kristiante chu hleih nei nia an puh khân an vuivâina thu chuan thil hlauhawm tak tak a thlen thei a ni tih tihkohten an hria a: kohhran inpumkhatna a tichhe thei a; tin, tihkohte chu Pathian thu zir, tşawngtâi leh chanchin tşa hrila inhman lo lêkin a siam thei bawk. He an buaina ching fel tûr hian eng thil nge tirhkohten an tih? He buaina an tawh mêk hi buaipui tûra tirhkohte mi thlan chhuahte khân eng ang nungchang nge an nei a, eng ang mizia nge an put hlawm? (Tirhkohte 6:3–7 en la.)*

ZIRTÏRTUTE TÂN BÏK: Eng thilah pawh tşanna hian ama tâwkah harsatna a insiam chawp ve tşin hrim hrim a. Population a ni emaw, science a ni emaw, communication lam a ni emaw, education a ni emaw, politic a ni emaw, economic a ni emaw, chhûngkaw a ni emaw, tşanna a awm

rêng rêng chuan uluk taka enkawl a ngâi a, harsatna min siam lohna tûra ngun taka kan thlîthlâi reng a ngâi thîn. Chutiang chiah chu kohhran hmasaah pawh khân a ni ve a: “Zirfîrte an pum chhoh zêl lâi chuan. . . phunnâwina a lo chhuak ta a” (*Tirhkohte 6:1*). Hebrai Kristiante leh Grik Juda Kristiante inkâra intihthiamlohna lo chhuak chuan zual lam a pan ta zêl mai si a, kohhran inpumkhatna hial pawh a tihchhiat theih tâk avângin tirhkohte tân pawh chin fel thuai a tûl a ni. Tûn kêr zirlâi hi i zirtîr pahin he thu hi i ngaihtuah dâwn nia: kohhran hnathawh tikhaihlak leh kohhran thanna tiṭhuanawm tûr thil rêng rêng chu eng mah a thlen kan phal tûr a ni lo.

Sawi ho tûrte: Buaina eng pawh hian remchânna a siam ve tho mai. Thil eng emaw kan la tawn ngâi loh kan han tawn hian a chin fel dân kawng thar leh ching feltu tûr mi thar zawn a tûl thîn a. Tirhkohten an buaina ching fel tûra ruahmanna an siam kha a fuh hle a ni tih eng tin nge kan hriat theih? “An chungah an kut an nghat a” (*Tirhkohte 6:6 en la*) tih hi eng nge ni a awmzia? Upa pasarihte an thlang khân eng tiangin nge kohhranah nghawng a neih (*Tirhkohte 6:7*)?

RAHBI 2—Zawng chhuak rawh

ZIRTIRTUTE TÂN BIK: Jerusalem kohhranin an thlan chhuah upa pasarihte zîngah khân Luka hian mi pahnih, Stefena leh Filipa-ten kohhran than chhoh zêlnaa thil an tihte a sawi lang a. Stefena kha martar hmasa ber a ni a. Ani kha Kristian nun hian hrehawm tuar Chhandamtu hnung a zui a nih chauhin awmzia a nei tih entîrtu nung reng mi maktaduai tam takte zînga a hmasa ber a ni. Kraws hi Kristian nih awmzia sawifiahtu a ni tûr a ni a, chutiang chu a nih chauhin Kristiante hian “vân inhawng leh chuta Pathian ding lama Mihring Fapa ding chu” (*Tirhkohte 7:56*) kan hmu thei dâwn a ni. Stefena kha mi chungchuang

tak mai a ni a. Isua a hria a. Bible thawnthu leh Pathian mite chanchin kal tawh pawh a hre hneh hle bawk. Isua khân eng thil nge a tih tih a hrethiam a. Kristian nun chu eng nge ni a awmzia tih pawh a hria. Chuvâng chuan Tirhkohte bû ziaktu mi thiam tak Lukan a fak viau mai pawh hi a mak hran lo (*Tirhkohte 6:3–15; 7*). Stefena kha Thlarau Thianghlim, rinna, finna, khawngaihna leh thiltihtheihnaa khat a ni a; tin, tawngtâi mi, thilmakte ti thîn, thutak leh êng ngaina, mi ngaihdamna ngah tak a ni bawk.

Filipa pawh hi Samari ram vêla chanchin tha hril thîn a ni a. Chuta thahemngâi taka hna a thawh lâi tak chuan vântirhkoh pakhatin a rawn bia a, chhim lama kal a, Jerusalem aţanga Gaza khaw zuk pawhtu kawngah kal tûrin a rawn hrilh a. Chumi hmunah chuan Thlarau Thianghlimin rawn hmangin, Ethiopia mi tilreh pakhat chu baptisma a chantîr a—chu pa chu mahni rama chanchin tha hâwnpuitu hmasa ber pawh a ni ta nghe nghe niin a lang (*Tirhkohte 8:26–38*). Hemi hnu hian Filipa chu Thlarau Thianghlim bawk chuan chhim lama awm Azota khua aţanga hmâr lama awm Kaisari khaw inkâra khaw hrang hrangah thu hril chhunzawm leh zêl tûrin a hruai ta a ni.

Hêng rinna pasaltha pahnih, Stefena leh Filipa-te nun aţang hian zirlâi hlu tak tak kan zir chhuak thei a, chûngte chu: kan rinna chanchin kal tawh hriat leh kan rinna puan chhuah pawimawhzia a ni.

ZIR ZAUNA

I. Kan rinna chanchin kal tawh hriain (*Tirhkohte 7*)

Tirhkohte Thiltih bu hi chanchin kal tawh zia kana bu a ni a: he lehkhabu-ah hian kohhran lo pian chhuah dân, Isuaa innghat nghet tlat a nih dân, harsatna leh hrehawm a tawrh dân bâkah, rinna pasaltha mi chi hrang hrang—hmeichhia leh

mipa, deacon-te leh tirhkohte, thuhritute leh chanchin ṭha hriltute, zâwlneite leh pastor-te chanchin tam tak kan hmu. Kohhran hmasa lo ṭhan len chhoh zêlna kha Thuthlung Hlui zâwlneiten Israel mite duh loh lung, a kila lung ṭangkâi ber lo ni ta (*Tirhkohte 4:11*) kha Isua a ni tih tilangtu a ni a.

Tirhkohte bûa kan hmuh Petera sermon te, Stefena sermon te leh Paula sermon te hian Thuthlung Hlui hunah khân Abrahamata te, Jakoba te, Josefa te, Mosia te, Davida te leh mi dangte kaltlangin Pathian chu a lo inpuang tawh ṭhîn ngei a ni tih an târ lang vek hlawm. Hemi kawng hi Kristian kohhran chuanrawn zawh chho ve-in khawvêl hnênah Isuaa Pathian chhandamna ruahman puan chhuah hna chu a mawhphurhnaah a la a ni. Stefena chuan Isua chanchin ṭha thlavâng a hauhna lamah ṭlanna chanchin ṭlângpui chu a sawi a, Pathianin Abrahamata a koh chhuah ṭanga sawi ṭanin (*Tirhkohte 7:2*) Pa ding lamah Isua a han ṭhut tâk hnu thlengin a sawi vek a ni (*Tirhkohte 7:55*).

Hemi hun chhûng hian Pathian hnam thlante chu a chângin an ṭlu a, a chângin an tho chhuak leh a, a chângin kawng dik lo an zawh a, a chângin kawng dik anrawn zawh ve leh bawka, a chângin Pathian lakah an rinawm a, a chângin Pathian an phatsan bawka. Stefena hian thil thleng pawimawh tak takte sawiin—Abarama koh chhuah a nih thu te, thuthlung pêka a nih thu te, Josefa rinawmzia te, chhanchhuaktu ropui Mosia chanchin te, thlalâra Israel fate an awm lâia biak bûk an neih thu te, “Mi Fela” chu phatsana thah hial a nih thute pawh a sawi ta vek a. Hetianga hrilhlâwkna thlen famkim chhoh zêl thu leh Isua Kristan phatsan tawh thu a sawi hian a thusawi ngâithlatute “thin a khei” ta a ni (*Tirhkohte 7:54*).

Hetianga thu a sawi lâi hian Thlarau Thianghlimin a khat a, vân lam a en a, Pathian ropuina leh Pathian ding lama Isua awm chu a han hmu a (*Tirhkohte 7:55*). Khata ṭang hian kohhran chuan Isua hi mihringte chanchina mi pawimawh ber

leh Kristiante hruaitu ber a ni tih an lo hrethiam ta a, ani chuan vânamah min hruai thleng ngei dâwn bawk a ni.

Ngaihtuah teh: Tirhkohte 7:51 chiar la. Hêng thu: “Mi tihmawhte u” tih te, “thinlung leh beng [serh] tan lohte u” tih te hi eng nge ni a awmzia? Eng kawngahte hian nge pâwn lam lang thei leh sakhaw serh leh sâng thiltea rinawm tak nia lang si, rinna dik tak thiltihtheihna erawh kan pawm loh tlatna awm le?

IV. Kan rinna chu puang chhuakin (*Tirhkohte 8*)

“Pathian chu a thilmakte tiin mak takin a che thîn!” He hla hi kan sa liam ve mai thîn a, kohhran hmasate kha chuan Pathian hnathawh kha a takin a chang thîn a, an mitin an hmu fo bawk. A hmasa berin, Stefena den hlum a nihnaa mawhphurtu ber pakhat leh, a hnua Kristiante tiduhdahtu langsâr ber ni zui ta (*Tirhkohte 8:1–3, 26:9–11*) Saula kha Isua chanchin puang darhtu ropui ber a rawn ni ta. A dawtah chuan, Stefena thih hnua tihduhdahna nasa tak a lo chhuah zui tâk avâng khân Kristiante chu Judai ram leh Samari ram khaw tinah an tlân darh ta a ni (*Tirhkohte 8:1*).

Chutianga tlân darhte zînga pakhat chu Filipa, decon atâna an thlan chhuah ve kha a ni a. Filipa chu Samari ram lam panin a kal a, hemi rama khaw pakhat hian Isua chuan hmeichhe khawlo tak nia mite ngaih pakhat hnênah rawng a lo bâwl ve tawh nghe nghe (*Johana 4*). Filipa hnathawh hian chanchin th̄a chu nasa takin hma lam a panpui a, Samari rama chanchin th̄a lo thleng ve ta en fiah tûr hian Petera leh Johana-te pawh Jerusalem aţangin an rawn kal vang vang a nih kha. Khatianga tirhkohte meuh an lo kal khân Samari rama ringtute chu tinghet sawtin, Thlarau Thianghlim thiltihtheihna an lo chan ve phah ta bawk.

Chutianga kohhranin Samari rama zung kaih a, th̄an len zêl lam a pan hnu chuan Filipa chu hmun danga kal leh zêl

tûra hrilh a ni a. Chutia hmun danga chanchin ãha hril darh hna a thawhna lamah chuan Ethiopia mi tilreh pakhat, Jerusalem aãanga an khaw lam pana haw hi kawng lakah a tâwk a. Thlarau Thianghlim hnathawh dân makzia hi. He mi tilreh pa hi Bible study a pe a, chutichuan chanchin ãha chu a lo pawm ve tâk avângin baptisma a chantîr ta hial a ni. Hemi hnu hian Filipa chuan Thlarau Thianghlim hnên ata thupêk dang a dawng leh a, Mediterranean tuipei kama kawng awm chu zawhin Kaisari lam a pan a, Azota aãanga Kaisari inkâra khaw awm zawng zawngah chuan chanchin ãha a hril chhuak vek a ni.

Ngaihtuah teh: Filipa leh Ethiopia mi tilreh inkârah hian anmahni ãhen hrang thei dâidanna bang tam tak a awm: an chî leh hnam a inang lo va, an sakhua a inang lo va, khawtlânga an dinhmun pawh a inang lo va, an inhausak hleih hle a, an vun rawng a dang viau bawk. Filipa tân hian Ethiopia mi tilreh hnêna kal loh phahna tûr chhan a tam hle âwm e; nimahsela thuhriilu (evangelist) a ni miao va. Chanchin ãha puangtu a ni a, chanchin ãha hrila kal kual zêl mai loh chu thlan tûr dang a nei lo.

RAHBI 3—A taka nunpui tûr

ZIRTIRTUTE TÂN BÎK: Hmeithâite leh mi reitheite enkawltu atâna an thlan chhuan upa pasarihte kha “rawngbâwl” tûra koh an ni a (*Tirhkohte 6:2*). Grik ãawng “rawngbâwl” tih an sawina thumal chu *diakonein* tih a ni a, he thumal aãang hian “deacon” tih leh “deacons” tih kan sawina thumal *diakonein* pawh hi a lo piang. “Hna bîk thawk tûra mi pasarih an thlang chhuak hian kohhranah malsâwmna ropui tak a rawn thlen a. Hêng an hotu thlan chhuahte hian mi mal tin mamawhte leh kohhranin sum leh pâi a mamawhte chu an ngaihtuah a, an hmangchâng hriatna leh Pathian ãti taka an nunna chu kohhran mamawh hrang

hrangte phuhrûk tûra thawk tlâng thei tûrin an hotupuite pawh a tanpui bawh a ni.”—Ellen G. White, *Tirhkohte Thiltih*, p. 89.

Ngaihtuah zui tûrte zawhnate:

1. I lâwina kohhran khân eng tiangin nge deacon-te/deaconess-te rawngbâwlina hi a ngaih? Eng tiangin nge deacon-te leh deaconess-te hi rawngbâwlinaah intluk leh thawk tlâng vek an nih? Eng tin nge kohhranah ða zâwkin rawng an bawl theih ang?

RAHBI 4—Boruak siam rawh

ZIRTÏRTUTE TÂN BÏK: In class member-te kha deacon/deaconess ni tûra mi ða an tihte chu eng ang nge nia an hriat sawi tûrin sâwm la, deacon leh deaconess mawhpurhnate zâwt bawh rawh. Chutichuan, in kohhrana deacon-te leh deaconess-te rawngbâwlina hlutsak thiam dân tûr in sawi ho bawh dân nia.